



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De scholasticæ Theologiæ Vanitate, qua superioris
ætatis homines, doctrinam & religionem suam
tueba[n]tur, Liber, in locos communes digestus. Omnibus
ueræ ac solidæ pietatis studiosis in primis ...**

Sarcerius, Erasmus

Francoforti, 1541

VD16 S 1775

De Legibus Mosaicis, Ceremonialibus, & Iudicialibus.

urn:nbn:de:hbz:466:1-29838

DOCTRINA SCHOLAST.

Præcepta decalogi non sunt data, nisi ijs, qui sunt in statu perfectionis, quia præceptū (Non concupisces) nullum conuenit seruare, nisi in statu perfectionis, multo igitur minus alia grauiora.

Præcepta decalogi non obligant hominem ad obseruantiam eius in charitate simpliciter, sed bene ad obseruantiam formatam astringit conditionaliter decalogus, quia si obligarent, quicumq; facerent actum moralem, uel beneficiendo patri, uel pascendo pauperem, non habens charitatem, peccaret. In quolibet etiam momento non habens charitatem esset transgressor præcepti. Qui uerò seruat decalogū ex charitate, meretur uitam æternam.

Moralia in tantum sunt determinabilia lege, hoc est, in præcepto, in quantum pertinet ad iustitiam.

DE LEGIBVS MOSA icis, Ceremonialibus, & Iu dicialibus.

In ueteri Testamento leges Ceremoniales iustificarunt homines, quia continuerūt sub se sacrificia pro peccatis.

Circumcisio data fuit propter iustificationē impetrandam.

In

DE LEGIBVS MOSAICIS. 49

In nouo Testamento non ualent quidem amplius pro peccatis sacrificia Mosis, sed nouum Testamentum habet noua sacrificia pro peccatis: uidelicet sacrificium Missæ.

Christiani non ab omnibus ceremonialibus Mosaicis sunt liberi.

Hæ leges non iustificant, reliquæ iustificant. Nam Paulus cum loquitur de operibus legis, non de tota lege intelligendus est, sed de Leuiticis ceremonijs tantum.

Præcepta ceremonialia fuerunt usq; ad passionem Christi, hoc est, uitam dare potuerunt præstantibus ea.

Vide infra locum de sacrificio, Leges iudiciales quia non immediata nec directa intentione, ordinant ad finem ultimum & supernaturalem, ideo non sunt propriè leges diuinæ.

DE EVANGELIO.

Homines ante datam legem, loco Euangelij legem naturæ habuerunt, Iudæi legem Mosis, nos Christi Euangelium habemus.

Patrum scripta cum Euangelio conferri debent.

Doctrina Euangelij non est dignior doctrina legis.

Euangelium etiã dubitantibus promittit remissionem peccatorum.